

Sakspapir

Saksnr	Utvalg	Type	Dato
130/21	Formannskapet	PS	25.11.2021
	Kommunestyret	PS	

Saksbehandler	Arkiv	ArkivsakID
Ketil Tjore	FA-U63	21/1073

Skjenkeløyve for Knuter Catering og Service AS - på samfunnshuset

Vedlegg:

Politiet - Uttale til søknad om skjenke- og serveringsbevilling - Knuter catering og service AS

Skjenkeløyve (presisering 2)

Meir informasjon for søknad om skjenkeløyve

Framlegg til vedtak:

Kommunedirektøren rår til at ein følgjer rådet frå politiet, og gjev skjenkeløyve frå klokka 20-24 for torsdagar, laurdagar og søndagar, for opp til 22 prosent.

Skjenkeløyvet i kafeen må likevel vika dei dagane salen i samfunnshuset er utlånt til barne- og ungdomsarrangement, dersom dette kolliderer i tid med skjenking.

Saka vert utsett til formannskapet sitt møte 6/12, slik at det vert tid til å henta inn uttale frå styret for samfunnshuset.

Formannskapet - 130/21 - 25.11.2021

FS - behandling:

Inger-Lise Brekke (H) sa at det er bra om ein kan få på plass ei kafedrift, men var skeptisk til kombinasjonen med alkohol.

Bjørn Inge Haaland Dyrkolbotn (Sp) og Helge Dyrkolbotn (KrF) etterlyste kva styret og eigarlaga meiner om skjenking i kafeen.

Ordførar Per Lerøy (Ap) spurte om saka skulle utsetjast til formannskapet sitt møte 6/12, slik at det vert tid til å henta inn uttale frå styret for samfunnshuset. Dette framlegget fekk støtte frå formannskapet.

Handsaming i formannskapet:

Semje om å utsetja saka til formannskapet sitt møte 6/12, slik at det vert tid til å henta inn uttale frå styret for samfunnshuset.

FS vedtak:

Saka vert utsett til formannskapet sitt møte 6/12, slik at det vert tid til å henta inn uttale frå styret for

samfunnshuset.

Saksopplysninger:

Bakgrunn

Knuter Catering og Service AS har søkt om fast skjenkeløyve kafeen på Austrheim samfunnshus, og ønsker å starta serveringstilbod der etter at den pågåande oppussinga er ferdigstilt.

- I ei presisering er det sagt at søknaden gjeld tre dagar i veka, torsdag, laurdag og søndag.
- Tidsrom desse dagane er frå klokka 12.00 til klokka 24.00.
- Alkoholstyrke det er søkt om er inntil 60 prosent.
- Aldersgrense er i søknaden sett til 20 år.
- Drifta vil vera kombinasjon av kafé, restaurant og selskapslokale.
- Det er berekna inntil 60 sitjeplassar på eit areal på 100 kvadratmeter.

Sjå elles vedlegg frå søkar.

Vurdering

Søknaden har vore til uttale hjå Nav Fensfjorden og Politiet.

- Nav Fensfjorden har ingen merknader.
- Politiet viser til nærleiken til fotballbana, og utalar at skjenkinga bør avgrensast til tidsrommet 20.00 – 24.00, og ikkje over 22 prosent styrke.

Kommunedirektøren viser til dei vurderingane som politiet har gjort, med tanke på nærleiken til idrettsanlegget. Grasbana er ein del i bruk til både organisert og uorganisert fotballaktivitet, og det kan oppstå uheldige situasjonar om det samstundes er alkoholservering i same bygg som garderobane.

Salem i samfunnshuset er elles i bruk ein del på kveldstid til ulikt barne- og ungdomsarbeid som konsertar, teaterframsyningar og skuleavslutningar, og her vil ein dela inngangsparti og garderobar med kafeen.

Det meste av idrettsaktivitet og barne- og ungdomsarbeid nemnt over pågår på vekedagane og på dagtid laurdag. Dersom ein gjev skjenkeløyve tilsvarande politiet sitt råd vil det i liten grad kollidera med annan aktivitet, men det er usikkert kva nytte søkar vil ha på torsdagar av eit løyve som først gjeld frå klokka 20.00. På den andre sida, så er det vanleg for arrangement på laurdagar og søndagar å få einskildhøve til skjenking frå eit tidlegare tidspunkt enn 20.00.

For bruken av samfunnshuset vil det vera bra om ein kan få eit fast kafétilbod, men det er usikkert kor stor betyding alkoholservering vil ha for til dømes raspeballtorsdag, og om eit fast løyve tre vekedagar frå klokka 20.00 i det heile vil vera tenleg for søkar.

Konklusjon

Kommunedirektøren rår til at ein følgjer rådet frå politiet, og gjev skjenkeløyve frå klokka 20-24 for torsdagar, laurdagar og søndagar, for opp til 22 prosent.

Skjenkeløyyet i kafeen må likevel vika dei dagane salen i samfunnshuset er utlånt til barne- og ungdomsarrangement, dersom dette kolliderer i tid med skjenking.